

上虞縣志校續卷七

列傳目三 人物

朱元吉

張寶

張達

劉承詔

李光

孟博 知退

孟堅 知微

孟珍 衢

孟傳 衍

竺簡

趙子瀟

宋延祖

章燮

豐治

誼 存芳

友俊

趙善傳

善信

錢興祖

龔生

貝欽世

襲慶

黃哲

萬

杜褒

潘時

友端 友恭

郭圭

孫邦仁

師魯

袁評

杜思恭

楊次山

谷 鎮

楊石

劉漢弼

劉漢傳

漢儀

趙必丞

良坡 良坦

上虞縣志校續

卷七 人物

良竣

友直

倪森

竺均

陳策

黃楠

和中 得中

葛季昂

以上

張存義

姚天祥

張彥

張起巖

顧圭

諒 王通

俞文珪

王發

徐有傳

昭文

徐繼文

王式

魏壽延

孔思則 以上元

宋

朱元吉字元之建隆時人嘗構亭於縣治南之山巔望突

不煙者亟餽以粟歿即葬於山南鄉人義之因名長者山

其後孫發復修祖德捨基為寺徒居東溪

萬歷志兼 周氏譜

張寶號欽其擁貲鉅萬好施與遇貧乏輒貸之不責償田

租僅收其半值大饑悉發家中米令鄉里每晨人給半升
又煮粥以食餓者不繼復往台州糴米數百斛振之全活
甚衆凡橋梁道路傾圯者捐修無算

嘉慶志

張達字廷厚幼工文詞及長勇於爲善虞西近江地窪下
數苦潮患達捐貲募工築塘於曹娥江口兩山間以捍之
塘近沙湖因名沙湖塘潮不爲厲湖故有塘卑且狹達復
高築濬水以濟運河又洪山畝田高運河丈許水不能蔭
達割己田百餘畝爲湖曰洪山湖人咸稱便沒而鄉人思
其德立泗君廟并洪山廟祀之

嘉慶志

上虞縣志校續

卷七 人物

二

劉承詔唐襄公德威之後德威五世孫愉避黃巢亂自河
南徙居虞至承詔十世同居者四百餘人內外無間言下
及犬彘一犬不至衆犬不食號孝義劉家熙寧中趙抃帥
越嘉其行聞於朝詔旌門閭免徭役以寵異之抃爲作義

門記

正統志

李光字泰發家五夫市童穉不戲弄父高稱曰吾兒雲間
鶴其興吾門乎親喪哀毀如成人服除游太學登崇寧五
年進士第調開化令有政聲知常熟縣朱勔以花石應奉
勢燄熏灼光不爲屈械繫其奴勔怒監司爲移光知吳江

以避之

嘉慶志引作朱勔父冲倚勢暴橫光械治其家僮冲怒風部使者移令吳江

改京東西

學士司管句文字宣和二年召爲太常博士五年遷司封員外郎時因星變首論士大夫諛佞成風又言怨嗟之氣結爲妖沴王黼惡之黜知陽朔縣劉安世遺書偉之會李綱亦以論水災去國居義興光與定交而別明年召爲司勳員外郎遷符寶郎金人入汴徽宗有東幸意光慨然謂爲今之計惟傳位東宮則虜氣自沮欽宗卽位擢左司諫首論宦官譚稹梁方平喪師辱國梁師斌結交蔡京王黼表裏蒙蔽罪皆當誅又奏東南財用盡於朱勔西北財用

上虞縣志校續

卷七 人物

三

困於李彥天下根本之財竭於蔡京王黼名爲應奉實入私室乞依舊制三省樞密院通知兵民財計與戶部量一歲之出入以制國用選吏考核使利源歸一金人圍太原援兵無功光言三鎮不當議割乞詔大臣別議攻守之策仍間道遣使檄兩河東北盡起強壯策應首尾掩擊遷侍御史抗斥時論主王安石之學者蔡攸扈衛上皇還欲因緣入都光奏攸若果入百姓必致生變太上皇后欲入居禁中光奏禁中者天子之宮正使陛下欲便溫清亦當躬稟上皇下有司討論典禮乃始移居寧德宮金人逼京城

朝臣委職去者五十二人罪同罰異士論紛然光請付大理公行之太原圍急乞就委折彥質盡起晉絳磁隰潞威勝汾八州民兵及本路諸縣弓手俾守令各自部轄其土豪士人願爲首領者假以初官應付器甲協力赴援又請擇清強官置司追攝朱勔田園第宅及曲意阿奉之胡直孺盧宗元等並根勘沒入其貲其強奪編戶產業者還之李會李擢復以諫官召光奏蔡京復用時會擢迭爲臺官禁不發一語金人圍城與白時中李邦彥專主避敵割地之謀乞寢成命不報彗出寅良間耿南仲輩皆謂應在外

夷不足憂光言春秋書災異以戒人君不聞歸之夷狄疏奏謫監汀州酒稅高宗卽位擢祕書少監除知江州未幾擢侍御史皆以道梗不赴建炎三年除知宣州光以宣密邇行都繕城聚糧籍六邑之兵保伍相比謂之義社擇健武萬餘統以土豪號精練軍柵險要戍之苗租歲輸邑者悉命輸郡初謹言不便迄賴以濟嘉泰會稽志作南陵有水軍叛光遣兵夜擊之賊潰事聞授管內安撫許便宜從事進直龍圖閣十一月金人奪馬家渡南牧郡縣皆不支光獨力修守備金人不敢入境統制王瓌王珉不相能至是擁潰兵索鬪光親諭以

先國家而後私讐皆感悟解去進右文殿修撰潰將邵青自眞州擁數百艘剽當塗蕪湖間光招諭之遺米二千斛青喜秋毫無犯四年五月巨寇戚方圍宣州光招潰卒於郊野厚待之戚與其副並馬巡城光射書遺副言汝爲將家子何至附賊二人相疑攻稍緩凡被圍二十八日而巨師古劉晏援兵至晏戰死師古以中軍大破賊賊遁去光嘗置匕首枕匣中與家人約曰城不可必保若使人取匕首我必死汝輩宜自爲計無落賊手光誓以死守故將士用命尋除徽猷閣待制知臨安府紹興元年移知洪州固

辭除知婺州甫至郡擢吏部侍郎上疏極論朋黨之害議論之臣各懷顧避莫肯以持危扶顛爲己任駐蹕會稽首尾三載惴惴焉日爲浮海計根本之地莫如建康其隘可守者有六江寧鎮鋼砂夾采石大信蕪湖繁昌皆與淮南對境宜豫屯兵積粟命將士各管地分調發旁近鄉兵協力守禦乞詔大臣參酌施行帝欲移蹕臨安被旨節制臨安府見屯諸軍兼戶部侍郎督營繕事光經營擗節不擾而辦奏蠲減二浙積負及九邑科配以示施德自近之意時戚方已歸節制拜庭下光握手勉以忠義勿因前事懷

疑方謝且泣尋兼侍讀因奏金人內寇百姓失業陷賊本
非獲已尙可誠感自李成北走羣盜離心儻因斯時顯用
一二酋豪以風厲其黨必更相效慕以次就降擢吏部尙
書大將韓世清本苗傅餘黨久駐宣城擅據倉庫不受朝
命光請先事除之授淮西招撫使親受密指遂假道擒世
清以歸除端明殿學士江東安撫大使知建康府壽春滁
濠廬和無爲宣撫使太平州卒陸德叛光多設方略盡擒
其黨秦檜旣罷呂頤浩朱勝非並相光議論素與不合言
者指爲檜黨落職奉祠復寶文閣待制知湖州移守平江

召爲禮部尙書光言兩浙自冬及春雨雪不已百姓失業
乞選臺諫察實以聞福建湖南諸路荒旱流匄滿路宜選
良吏招撫會江浙欲推行交子法光言有錢則交子可行
今已椿辦見錢若干則目今所行關子已是通快何至紛
更此不過議者欲欺陛下使陛下異時不免欺百姓也降
除端明殿學士守台州改温州劉光世張俊連以捷聞光
言金人遠來利於速戰宜戒諸將持重以老之不踰時食
盡則勝算在我矣徙洪州七年除江南西路安撫大使八
年兼制置大使十月除吏部尙書參知政事時和議旣定

檜以光有人望欲藉之同押榜以息浮議同郡楊煒上書
光責以附時相取尊官墮平時大節光初謂可因和爲自
治計故署榜不辭及檜議徹淮南守備奪諸將兵權光始
極言和不可恃備不可徹復折檜於帝前檜大怒光求去
帝曰卿昨面斥秦檜舉措如古人朕方寄卿以心腹何乃
引去光章九上乃罷知紹興改提舉臨安府洞霄宮十一
年冬檜風中丞万俟卨論其陰懷怨望責授建寧軍節度
副使安置藤州藤州守臣以光詩有諷刺獻於檜越四年
再貶瓊州居瓊八年嘗作私史其仲子孟堅爲所親陸升

之言之升之訐其事檜命曹泳究實又移光昌化軍遇赦
永不檢舉檜死量移郴州二十八年以南郊赦恩復左朝

奉大夫明年行至蘄州卒年八十二

史作還至涇州卒年八十三

孝宗

卽位追復資政殿學士謚莊簡宣城人立祠祀之淳熙初
賜額曰褒烈初光過宋都從劉安世講學得其精微故於
死生禍福之際無所屈撓在里聞趙鼎南遷頗戚戚謂鄉
人曰若光得謫命卽日青鞵布韉行矣卒蹈其言及再涉
瘴海處之怡然在瓊寓居雙泉蘇軾所嘗游也自號轉物
居士日講周易一卦因著易傳十卷文集四十卷神仙傳

十卷萬歷志作嘗語其子曰居家盡一孝字居官盡一廉

字立朝事君盡一忠字一生受用不盡又曰凡後生所至

處且須從賢士大夫游李氏家學如此元至正間祀鄉賢

宋史本傳兼嘉泰會稽志子孟博孟堅孟珍孟傳孟博字

寶慶續志正統志萬歷志

文約紹興五年進士第三人及第從光謫居嶺南召試館

職不就竟卒於瓊州自登科未嘗一日出仕聰敏強記精

於楚辭享年不永人甚惜之孟堅字文通少果敏力學光

謫嶺南會有告其家有私史坐罪除名竄峽州檜死為常

州晉陵丞葉衡正統志力薦於朝知無錫縣甫及歲以治

作行績聞孝宗召赴行在問及家世又褒其治效即除知秀州

遷提舉淮東常平茶鹽事乾道五年卒年五十五助田歸

學養士祀鄉賢孟珍康熙志字文潛善行草當時得其簡

牘皆珍藏之擢守江陰及沿海制置司參議皆不赴淳熙

十一年卒年五十六寶慶續志孟傳字文授光謫嶺南時

纔六歲奉母居鄉刻志於學賀允中徐度皆奇之幹辦江

東提刑司易浙江常平司母喪免調江山縣丞棄去改楚

州司戶參軍公退讀易郡守部使者不敢待以屬吏修復

陳公塘有灌溉之利知象山縣秩滿主管官告院與同列

上封事請詣北宮又移書宰相遷將作監主簿丞相趙汝愚初當國歲大祲遣按視江池鄂三大軍所屯積粟道除大府丞復命面對以使事往返四千里所過民生困窮保邦之慮宜勤聖念時韓侂胄連逐留正趙汝愚將及朱熹孟傳奮然曰如此則士大夫爭之鼎鑊且不避兼考功郎復因對言國家長育人才猶天地之於植物待其既成而後足供大厦之用今皆有苟進之心不有以扶持正飭之其敝將甚侂胄嘗致意孟傳謝曰行年六十去計已決不敢聞也由是出知江州獄訟止息復知處州遷廣西提點

刑獄改江東提舉常平移福建詔入對首論用人宜先氣節後才能益招徠忠謹以扶正論故人有在政府者折簡問勞孟傳逆知其意對畢卽出關至閩大饑發倉廩勸分民無流孳侂胄誅遷提點刑獄移江東又辭丞相史彌遠其親故也人謂進用其時矣卒角巾歸第屢召不赴主管明道宮進直寶謨閣致仕嘗誡子孫曰安身莫若無競修己莫若自保守道則福至求祿則辱來性嗜書至老不厭藏書數萬卷悉置左右每得異書手自校勘多識前輩出處中朝舊事嘉定十二年卒年八十四有磐溪詩文稿宏

詞類稿左氏說讀史襍志記善記異各若干卷宋史本傳參寶慶續

志正孫知新知孝知退知退登進士第紹定元年知浦江

縣專以教化為治民立祠祀之官至刑部侍郎卒配祀鄉

賢正統志兼金華府志曾孫復衢並登進士世濟其美衢官運使判

府助田歸學養士祀鄉賢正統志李知微字中甫紹興三年

知寧海縣治行異等以善詩名剞社壇鑿新泉功施後世

焉據備稿引台州府志名宦傳增○案孫燭湖挽詩云赫

赫中興佐英風想大門世家今萬石一代合推尊光孫

有知新知孝知退則知微當為莊簡孫行特附於此又云

發軔期行志鳴琴最得民與台府志傳亦相符但光子孟

博登紹興五年進士而知微知寧海在紹興李衍寶慶時

三年時孟博尚未第疑紹興或是紹定之譌

上虞縣志校續 卷七 人物

人精研羣籍善辨論宋景文祁嘗著筆記一編以釋俗考

古襍說析為三門術指其瑕疵者七條如以骨朵為瓜肝

以鮑照作昭為誤而云唐避武后之諱以牛耕為始漢過

而云冉耕字伯牛古犁字亦從牛以移為開而反合而云

為郁李以臣瓚為于瓚而云水經注稱辟瓚以朴無樸音

而云祁所預修之集韻實有蒲候匹角二切以卯本柳字

提要○案莊簡曾孫名復衢當與衍昆季行今附諸李傳

後

竺簡字文甫十歲能文十五歲登大觀三年進士廷試第

三人徽宗奇其才尚南陽公主政和二年劉太后擅政有

流星之變簡上疏諫帝嘉其忠晉太子少保出鎮浙東宣

和二年使遼有功封淮靈伯裔孫甡字如初諸生以能文稱嘉慶志國戚傳○嵯縣志寓賢傳云簡後隨駕南渡卜居上虞高宗累詔徵之不起遂隱於剡以山水自娛卒焉葬焉

趙子瀟字清卿秦康惠王後孝靖公令奧子太祖六世孫也早孤力學登宣和六年進士調真州刑曹掾與守爭獄事改衢州推官佐胡唐老繕完城具苗劉兵至堅拒之城賴以全知餘姚道由上虞愛佳山水遂居焉尋判筠州廣德軍調宣州遷吏部戶部郎中總領江淮軍馬錢糧諸司饋禮悉歸公帑除兩淮轉運副使時姑蘇大饑計口四十

餘萬日給米千二百餘石全活甚衆朝廷遣人檢沙田蘆場欲增租額子瀟力止之太湖水患詔子瀟往視遂浚常熟東柵至雒浦入涇谷又疏鑿福山塘至尚市橋北注大江分殺其勢水患用息知臨安府禁權家僮人子女爲僕妾者詔權戶部侍郎復知臨安調三衙卒修築都城不擾而辦金主亮渝盟子瀟獻助軍錢十五萬緡特遣一秩帝幸建康充行宮留守參謀金人議和子瀟謂事情叵測宜待以軍禮孝宗嗣位首引漢宣帝核名實唐太宗行仁政爲說孝宗志圖恢復子瀟練兵爲鶩鸕魚麗等陳帝觀於

便殿嘉之擢敷文閣直學士沿海制置使知明州海寇賂通胥吏匿其蹤蹟賊遂大熾商舶不通子瀟延土豪率羣胥分道入海告之曰用命有厚賞不則殺無貸胥衆震恐爭指賊處悉擒獲海道遂平知福州歲饑告糴旁郡米價頓平民賴以濟進龍圖閣學士移知泉州吏妻悍殺其妾磔而貯之以缶事久不直廉得其情獄始決其發摘概類此乾道二年卒年六十六贈少師葬瑞象山胡邦衡銘墓著有奏議數百篇藏於家元至正間祀鄉賢子伯溥仕至朝議大夫孫師古登進士仕至司封郎官

宋史宗室傳兼正統萬厯各志

上虞縣志校續

卷七 人物

三

宋延祖字嗣宗其先濟南人建炎南渡家上虞登紹興乙

丑案舊志作十四年誤進士爲於潛尉廣德軍教授除太學博士嘗

言招軍利害又欲重湖廣帥權孝宗嘉納之除太常寺丞

再除起居郎權給事中繳駁奏議無顧避改諫議大夫兼

侍讀遷兵部尙書以忠直受知不三年而登八座自謂遭

時遇主知無不言尋卒於官元至正間祀鄉賢

正統志兼萬厯志

章燮爲提刑判府有功於學亦配享先賢祠

見正統志

豐治其先四明人清敏公稷之孫清敏葬會稽治遂爲虞

人建炎三年高宗駐蹕維揚金人入境時治監轉般倉

備稿

引清敏遺事附錄 死之紹興十一年詔褒其忠錄子誼爲

將仕郎嘉泰會稽志萬曆志誼字叔賈父死節誼方四歲

金人棄道傍能語人以姓名母購得之七歲能屬文以父

蔭監潭州南嶽廟通判盱眙軍知建康軍歷知常台饒蘄

衢等州皆有惠政紹熙元年除戶部郎中勾外授提點福

建刑獄十二月浦城盜張海作亂詔誼捕之明年除湖南

轉運判官會臺臣有引年之議誼抗章請祠詔從之後以

搜召故老除吏部郎中卒贈通奉大夫康熙志誼立朝以

直節著歷官所至政事文章爲時取正元至正間祀鄉賢

上虞縣志校續 卷七 人物 三

子友俊友儀據宋史光宗本紀正友俊字宅之登紹熙元

年進士第仕至吏部郎中朝請大夫直顯謨閣累贈太中

大夫正統志附初任宣州參議通判隆興府歲大疫挾醫

巡問閭巷察病授藥全活者衆創建東湖書院復設南昌

新建二邑社倉知建昌軍捐錢三百萬創藥局兩區見袁

書院記洪都府社倉擢淮南安撫使嘉定六年知真州時

早甚計口賑卹之創防城庫爲城守計復浚河築土城立

小學於學宮民爲立祠復知揚州金人南侵力戰却之改

守鎮江卒於官貧甚朝廷給賻歸葬見鄞縣志揚州府志

○行營雜錄云友俊

少時見青樓小妓疑故人女酒罷詰之果然因白京尹王
佐且云某僅有錢百千從公更貸二百千嫁之尹嘉其誼
即取入府厚廩具擇良友儀仕修職郎絜齋集友嚴州司

戶參軍友俊子雲昭仕廣西經略雲昭孫稔稔子昌傳皆

篤學潛德克紹家風正統志存芳字公茂稷元孫為太平州

倅舊志州德祐元年舊作景定元兵至知州孟之縉謀以城降

舊作孟知縉存芳諫不聽詈之之縉遂引元兵屠其家同

死者十八人其卒方義竊八歲孤禮長於民間傳至曾孫

淳甫明洪武中以賢良薦仕至監察御史兩浙名賢錄兼宋史見嘉慶志

趙善傳舊作孟傳字商弼楚王元佐六世孫建炎初年十六侍

上虞縣志校續 卷七 人物 古

父不抑案趙氏譜不抑為文州防禦使授武顯郎子之官

池陽道遇寇執不抑索金幣善傳以身蔽父謂賊曰殺我

勿傷吾父賊揮善傳數刃通志府志衣裂而體不傷賊曰

此孝子釋之避難家上虞嘗謂人子不可不知醫習古方

書盡得其要人以疾告必盡誠救療後薦任明州婺州刺

史卒於家贈武翼郎謚貞孝弟善信字思忠清苦自立亦

以孝稱官至監行在車輅院正統志兼萬曆府志○案趙友直趙氏家集云與父不抑

扈蹕南渡寓虞等慈寺後則由流寓而家焉正統志列僑寓今仍各前志

錢興祖字國材吳越忠懿王之後自父節家上虞興祖少

類成人長從三山陳九達探理學事親孝母疾二年不愈醫藥且匱膚體不惜及終孺子泣者五年既葬有白鳥千百集墓木二大鶴巡墓旁百日而後去人謂至孝所感卒年六十七葬永豐鄉鳳山

正統志兼任士林撰墓誌銘○案任爲元時虞學掾錢孝子卒

至元己卯實帝昺祥興二年通志列爲元人以是時虞地已入元也然孝子事實猶在宋時今改列宋

龔生失其名伉健有智略建炎初金兵渡浙江次上虞所至焚掠民皆竄山谷間生獨攘臂諭里人李氏伍氏郭氏曰虜將屠吾邑吾屬雖力不敵有死而已遂募果悍者數百人迎縣令丞依險白固分署隊伍整兵環向以待之金

上虞縣志校續

卷七 人物

兵至生出其不意驅衆先登嶺嶠投石擊之且率衆薄金軍軍驚卻斬其將殺傷甚衆生亦戰死事平各得獎異生首功竟無表之者

正統志參兩浙名賢錄

貝欽世字聖美登紹興二十四年進士爲西安尉調武康丞居官廉介太守王十朋表薦之改知江陰縣縣有運河綿亘數十里溉田甚廣久湮廢欽世諭鄉民浚治民爭捐金助費不踰月開積土二十九萬四千餘丈不費公家鎔銖郡聞於朝詔授建康府簽判秩滿卒於家元至正間祀鄉賢子龔慶瀆熙五年進士廣德軍教授

正統志○萬曆志云欽世卒贈

節度使襲慶敕爲建德軍節度使曰卿老成練達德宇淵
靜又屬舊治吏士服習臥護諸將無以踰卿蓋父子爲宋
世名卿云案此爲
正統志所未詳

黃哲字不愚父發高宗時爲武經大夫隸統制楊沂中軍
迎擊虜將阿里蒲盧渾於明州高橋馬蹶被殺哲拾遺骸
葬於蘭芎山麓廬墓三年文禽日集虎爲之守戶如犬豕
然哲之孫萬字大有富而好施嘗輸西城外地爲便民倉

并輸等慈寺後殿基及蔡墓舖基地據杭世駿撰黃應乾傳兼黃氏譜

杜褒字伯稱世居虞以篤行著紹興末帥府湯岐公史魏
公交薦於朝再命以官嘗尉崇安力變不舉子之俗治獄

上虞縣志校續 卷七 人物

六

無一夫之冤遇大利害密裨其長罷行之陰德不可勝計

周必大潛光堂記

潘時字德鄜一作德卿家世金華父良佐苦學篤行時早孤與

兄甸養於叔父待制良貴家良貴與李莊簡公光爲道義

交故莊簡以女妻時因家上虞之五夫杭州府志以自幼時爲上虞人

夔異爲袁州分宜主簿監兩浙運司造船場知興化軍歷

浙西江東湖北提舉湖南提刑知廣州潭州太平州廣東

經畧湖南安撫除左司郎官直顯謨閣初光爲秦檜排擠

投棄嶺海親家陸升之告許與獄子壻沈陳擺縱脫身時

獨相其家事始終如一其治郡先教化務施舍及爲監司帥臣養威持重務存大體平決冤獄安集軍民風采振揚大小畏服篆隸楷法皆精妙淳熙己酉以疾終年六十五朱子爲志其墓元至正間祀鄉賢子二友端友恭乾隆府志引張溟會稽續志兼正友端字端叔登淳熙甲辰進士爲太學統志金華府志

博士從張南軒游南軒稱其務實近本嘗勉以玩味論語細讀伊川易傳自步步踏實地又與朱子講學甚善其說所交皆理學名宿樓攻媿孫燭湖多與往還著有四書辨義經義與朱子問答子升孫爲朱子幼壻孫伯度官錢塘

上虞縣志校續 卷七 人物

令友恭字恭叔爲江淮宣撫使幹官從朱子游深造理趣朱子嘗以敬之一字萬事根本涵養省察格物致知皆從此出與書敦勉又言禮記與儀禮相參通修作一書乃可觀令友恭暇日成之與孫應時善孫稱其篤志近思著四書經義與朱子問答子履孫爲江陵倅亦從朱子游孫伯廣伯廣子昌簽判常州皆克世其家案二潘附見正統志今據南軒朱子燭湖諸文集寶慶續志五夫里志增補又樓攻媿集有送漳丞上虞詩云邑有李與豐況復居二潘尚友更從游問學加研鑽則潘氏鄉望實埒李豐宋元學案以友端友恭爲金華人乃本祖籍言

郭圭字君錫虞丞契敷長子也契敷字彥寬襄邑人由松

陽縉雲丞調丞上虞秩滿因家焉知浦江嵒縣陞常贛二州江西提舉常平南雄州兵馬司賜緋魚袋居官廉介蒞政有爲以疾奉祠終於家年五十六葬十四都雙棋之原一作勝主任歸安龍游二縣尉通判揚州知南雄府事歷十一銓持身廉謹政清訟理仁聲四聞引年致仕卒年八十葬阜李湖潘嶼之原七世孫常熟令南立碣舊有覺庵廢久重建改題永思少保黃淮撰記立石正統志○案正兩見契敷傳其後旣家上虞應移列此

孫邦仁字育伯觀文殿學士其先餘姚人祖昶遷虞之西

上虞縣志校續

卷七 人物

六

溪湖濱邦仁與姪應時宣教郎主管建昌軍俱留心理學嘗構亭於左右山巔曰富春亭宣熙中舊作治平中今依備稿據楊彝泳澤

書院碑朱子遊始宣過訪相與契洽遂寓其家注書考證記更正

講學亭上文公所著大學中庸章句或問有參訂之功焉

至明時其系有師魯者嗜學好古綽有祖風與盧同范仲

遠盧英以文詩相切劘吏部郎中葉砥爲作富春亭記以

彰不朽萬歷志據林希元西溪湖賦

袁評字嘉言以薦授承議郎始宣鄉都察司官值歲歉遵

朱熹社倉法行之人賴以全活紹興簽判王十朋薦陞國

子書庫大使光宗久不朝重華宮評與少監孫逢吉等百餘人請帝問疾不許時內侍離間兩宮評獨守正不阿遂謝事歸朝議以韓蘇首昇金人且復秦檜爵諡評曰兩人開金人隙誠有罪何至函首軍前爲國家羞賊檜爵諡始以公議革今乃復之媚虜可乎感憤成疾卒萬厯志○案朱子社倉法於四方見朱子文集十朋簽判紹興府卽擢第之歲當在前二十四年紹興丁丑應先簽判薦陞而後行朱子社倉法前志沿誤未便臆易袁氏譜不載二者譜言山陰陸原銘墓其辭亦無考所詳生年在紹興癸亥卒於嘉定朝今列紹興薦辟表

杜思恭字敬叔祁國正獻公從曾孫弱冠登瀛熙十四年

上虞縣志校續

卷七 人物

九

進士第登高郵尉未赴父喪服闋爲潮州法曹掾以內艱去轉從事郎遷吉州司理平反冤獄發粟振饑民受其惠傾身下士以口舌毀譽人者不與爲禮官滿解去民遮留者數千人終昭州平樂令燭湖集作韶州案今韶州無平樂縣時周必大楊

萬里並以國士期之萬里表薦於朝曰學貫六經文師兩

漢可備顧問陸游亦服其學有根柢未罄所蘊而卒人爭

惜之据燭湖集劉基撰傳

楊次山字仲甫恭聖仁烈后兄也其先開封人曾祖全以材武奮靖康末捍京城死事祖漸以遺澤補官仕東南家

於虞次山儀狀魁偉少好學能文補右學生后受職宮中積階至武德郎累遷帶御器械知閣門事后受冊除福州觀察使尋拜岳陽軍節度使后謁家廟加太尉韓侂胄誅加開府儀同三司尋進少保封永陽郡王南郊恩加少傅充萬壽觀使致仕加大保授安德軍昭慶軍節度使改封會稽郡王次山能避權勢不預國事時論賢之嘉定十二年卒年八十一贈太師追封冀王宋史本傳兼康熙志諡惠節新定續志子二谷石谷字聲之仕至太傅保寧軍節度使充萬壽觀

使封永寧郡王

后妃傳作新安郡王

諡敏肅

本傳兼康熙志新定續志

石自有傳

上虞縣志校續

卷七 人物

三

曾孫鎮節度使蕃孫之子景定二年選尙理宗女周漢公主擢右領軍衛將軍駙馬都尉明年拜慶遠軍承宣使進節度使德祐二年元兵逼臨安進至皋亭山謝太后詔鎮及楊亮節俞如珪爲提舉奉廣王益王走婺州以圖恢復二月元丞相伯顏遣范文虎趣婺召鎮以王還鎮曰我將就死於彼以緩追兵亮節等遂負王走温州三月恭帝北去鎮與謝堂等皆行鎮平居喜觀圖史書學張卽之工墨

竹凡題詩卷軸常用駙馬都尉印記

宋史瀛國公本紀公主傳兼康熙志備稿

引圖繪寶鑑○趙甸撰揚四將軍傳云子櫪字梓仲宋寧宗后叔也封和陽郡王奉命帥兵守禦駐屯曹江堯兵入

越子榭與甥趙遂良力戰不利共死曹江案子榭當是次山之父行然傳稱會稽人未敢臆斷附錄於此

楊石字介之乾道間入武學慶元中補承信郎尋帶御器械嘉泰四年充賀正旦接伴使時金使驕倨自矜善射石從容挽弦三發三中的金使氣沮嘉定改元除揚州觀察使久之進保寧節度使封信安郡侯十五年以檢校少保進封開國公寧宗崩宰相史彌遠謀廢皇子竑而立成國公昀命石與谷白后后不可曰皇子先帝所立豈敢擅變谷石凡一夜七往反以告后終不聽谷等拜泣曰內外軍民皆已歸心苟不從禍變必生則楊氏且無噍類矣后默

上虞縣志校續

卷七 人物

三

然良久曰其人安在彌遠等召昀入遂廢竑立昀是爲理宗授開府儀同三司充萬壽觀使時寶慶垂簾人多言本朝世有母后之聖石獨曰事豈容概言昔仁宗英宗誓宗嗣位或尙在幼沖或素絲撫育軍國重事有所未諳則母后臨朝宜也今主上熟知民事天下悅服不早復政得無啓小人離間之嫌乎乃密疏章獻慈聖宣仁所以臨朝之由遠及漢唐母后臨朝稱制得失上之后覽奏卽命擇日撤簾進石少保封永寧郡王進太傅石每拜爵命必力辭恭聖祔廟除太師兄谷疑於辭受石力言曰吾家非有元

勳碩德徒以恭聖故致貴顯曩吾父不居是官今吾兄弟
偃然受之是將自速顛覆耳矧恭聖抑遠族屬意慮深遠
言猶在耳何可遽忘乃合疏懇辭至再三不受及屬疾除

彰德集慶節度使進封魏郡王卒年七十一贈太師本傳兼康

熙諡忠憲新定子瓚字繼翁本鄱陽洪氏石子麟孫早天

遂祝為嗣時數歲往謝史衛王史戲命對云小官人當上

小學即對云大丞相已立大功史驚為遠器瓚廉介自將

一時貴戚敬憚氣習為之一變洞曉律呂嘗自製琴曲二

百操又常云琴一絃可以盡曲中諸調當廣樂合奏一字

上虞縣志校續

卷七 人物

之誤瓚必顧之國工樂師無不歎服有紫霞洞譜傳世時

作墨竹自號守齋仕至司農卿浙東帥度宗朝以女選進

淑妃贈少師据備彙引圖繪寶鑑兼周密浩然齋雅談

劉漢弼字正甫其先金華人十世祖仕吳為殿中丞左遷

象山令道由上虞因家焉漢弼生二歲而孤程公許撰墓志銘作生四

歲父昌母謝氏力貧撫而教之登嘉定十年進士本傳作

志作七年今據寧宗本紀更正正統志授吉州教授召試

館職改秘書省正字漢弼學明義利之辨應詔言事極論

致菑弭菑之道為校書郎轉對舉蘇軾所言結人心厚風

俗存紀綱又論制闡當復其舊戎帥當各還其所邊郡守當用武臣又論決和戰以定國論合淮江以壹帥權公賞罰以勵人心廣規模以用人才爲著作佐郎言兵財楮幣權不可分又言取士之法詞學不當去宏博字混補不如待補之便由著作郎爲考功員外所陳皆切時務介特不妄造請理宗欲勉戚里以學詔皇后宅置講官漢弼首選慨然曰三館清流出入貴戚之門豈惟辱身是辱官也力辭不就爲崇正殿說書默寓規諫爲理宗簡注擢監察御史諭以卿純實不欺故此親擢漢弼以臺綱久弛疏定規

樵正體統遠謀慮三事首論給事中錢相巧於迎合直學士院吳愈不稱其職罷去之又劾中書舍人濮斗南空正言葉賁賁爲時相史嵩之腹心有使賁互按者明日賁有他命而漢弼出知温州嵩之久擅國柄帝患苦之曰劉漢弼正色不撓是可屬任者猶祐四年以太常少卿召之臺諫劉晉之王瓚胡清獻龔基先揣上意將有易置請寢新命帝怒夜逐四人擢漢弼左司諫兼侍講復除侍御史首贊分別邪正以息衆疑奏疏立聖心正君道謹事機伸士氣收人才五事帝嘉其言時詔嵩之起復漢弼密奏自古

未有一日無宰相之朝今虛位已三月願聽嵩之終喪亟
選賢臣早定相位帝乃命范鍾杜範並相百官相慶漢弼
之力爲多又言金淵鄭起潛陳一薦謝達韓祥項容孫王
德明林光謙等皆疇昔託身私門盤據要路公論所切齒
者馬光祖奪情總賦淮東乃嵩之預爲引例之地乞令追
服終喪遂詔罷淵政餘各貶官有差漢弼以受知特異而
姦邪未盡屏汰論議未能堅定爲慮以戶部侍郎致仕未
幾感末疾卒乾隆府志引宋史云漢弼之歿也太學生蔡
德潤等百七十有三人伏闕上書以爲暴卒
程公許著墓銘亦與贈中奉大夫謚曰忠勅紹興府給
徐元杰並言其旨微矣

上虞縣志校續

卷七 人物

十四

喪事賜官田五百畝緡錢五千贍其家表所居坊曰忠諫

崇祀鄉賢子怡以蔭爲婺州太守著有忠公奏議亦以直

諫聞宋史本傳續資治通鑑兼正統
萬厯各志參程公許撰墓志銘

劉漢傳字習甫漢弼從祖弟舊作漢弼
之介弟年十一而孤總角

遊鄉校有能賦聲弱冠貢於鄉以祿勿逮親絕意仕進沈

潛伊洛之旨往吳門見雲源何先生得建安二蔡易洪範

之學先生授以奧旨且勉之仕年四十六登寶祐丙辰進

士主黃梅簿三仕至監都進奏院陞對條列廣聖學闢異

端伸直氣恤民隱四事遷司農丞守南康知吉州皆有善

政兼江西提舉時大江失險金兵逼郡境人心震搖漢傳
嚴設警備簡精銳遮要害民賴以安制書嘉獎除直寶謨
閣被黃萬戶遽奏免之輿論怫鬱給事中王應麟黃鏞連
疏力薦詔仍舊職知處州陞直文華閣兩浙運使除吏部
郎官典尙書右銓進司農卿皆力辭累階中大夫致仕閒
居十一載篤學守道嘗著止善集通鑑會評洪範奧旨若
干卷臨終索筆書始終大槩遺二子自號全歸居士有生
爲宋臣死爲宋鬼樂哉斯邱兆足行矣之句遂瞑年七十
六王應麟撰墓銘元至正間祀於先賢堂正統志兼王兄
應麟撰行狀

上虞縣志校續

卷七 人物

三

漢儀字山甫

舊志兄作弟今據劉氏譜
更正正統志云華文之孫

用特奏恩教授明

州調鄞縣丞初亦授業何先生得建安蔡氏之學能深究

體用以所自得者著止善編

正統志

兄弟並祀鄉賢

萬歷志

趙必烝字進伯楚王元佐九世孫

據萬歷志
趙良坦傳

沈靜好學常

從劉漢弼游淹貫百家尤加意春秋一經肆力不倦咸淳

乙丑與子良坡孫友直同登進士鄉人驚異從弟與闢亦

同榜必烝出守嘉禾處以清慎歸讀書南山之谷號南谷

老人初聞漢弼以諫鳩死必烝深爲悲痛作詩弔之往說

趙與權上言杜範劉漢弼徐元杰皆暴死人皆疑史嵩之

致毒請卹其家子三良坡良坦良峻據沈奎補稿引家傳良坡字深

甫與父同登進士補稿引趙氏譜坡字吉甫任永昌尹守禦廣州為元兵生

獲不屈元將義之放歸隱西溪雪水稱雪水先生踰年元

將思其賢復索得之欲薦於朝良坡終不屈怒目詈罵元

將令左右刃之良坡大呼我得死所矣伸頸受死萬曆志良

坦字平甫寶祐癸丑進士康熙志誤知永嘉瑞安福清並

以廉介名會吉廣二王走閩中以良坦為軍器監簿贊軍

事於是募兵守禦元兵南指被擒脅降不屈拘獄中二年

作書付其家曰試令三載無愧於心守節二年不屈於敵

上虞縣志校續 卷七 人物 美

只因忠義二字累及老稚一門帥詰其狀曰生為宋臣死

為宋鬼速求一死遂欣然就戮祀鄉賢正統志良峻字祥甫

登寶祐丙辰進士授儒林郎任瑞州軍事判官疏劾賈似

道專權誤國不報歸作自責第以見志蓋自責其登第而

無以匡君也宋亡題壁云三北誰人知管仲五湖何處覓

陶朱遂遠遁不知所終兄弟並祀三忠祠據沈氏補稿良坡子

友直與祖父同榜進士授桐川簿令祥興元年父死節冒

刃歸葬西溪牛眠山手植三樟廬墓終隱自號牛山子戒

子孫世勿仕元所居有視清亭並為賦以見志集英殿修

撰張景泰榜其門曰忠孝名門後至正間有舉良坡鄉賢者友直子季忠季恕不從曰吾祖生既恥食元粟歿豈享

元祀蓋有祖父遺風焉

萬厯志兼補稿引趙氏譜

良坦子友沂字詠道

舊作

性至孝當父被囚時年十二日從省視出入白刃間

無所怖及遇害哀痛幾絕遂扶柩從海道歸遇颶風舟幾覆呼天大慟曰我父以忠義死將不得歸葬乎風乃息抵

家葬南穴之玉霧山白衣冠而會者千餘人服闋後自奮

於學從游日衆厭城市卜居阜李湖之濱年八十七

案舊作阜

李湖玉霧山疑誤

縣尹林希元銘墓

補稿引趙氏譜○正統志附友沂亦賢行士

後南

上虞縣志校續

卷七 人物

七

城習古坊以友沂舊居改名節孝蓋思其父子忠孝云

趙氏譜

倪森字彥林其先有名該者同兄安車節度使偁從高宗

南渡倅越州未幾金人犯越扈駕航海還居虞之賀溪數

傳至森當理宗朝見時事日非挫廉逃名甘老泉石寬仁

好施海內賢豪樂從之遊四明名士張卽之以書法擅當

代寶祐間過訪爲書大學經文於所居門廡

萬厯志

竺均字平之

案竺氏譜謂簡之後

少嗜書尤精兵略恭宗時樞使張

世傑薦均偕兄端應奇材聘詣闕忤廷臣航海議遂還杜

門徧閱方書製藥博施遠近呼爲竺九相公會元將伯顏平浙特以文武全材薦再徵不屈使命三至乃託爲射獵披髮縱酒騎健騾往來天台四明間人莫之識時仙居有巨蟒伏巖穴觸人畜輒死均挾彈中其腦蟒狂踴以斃噴毒四散均遂殂於騾上騾歸僵立厝寶泉寺左瘞騾於側里人肖像祀之行省左丞聞於朝詔封靖林侯諭祭嘉慶志陳策字次賈潛心典籍詞翰俱美晚以工駢儷受知於馬裕齋姚橘州萬歷志作受薦授中訓郎主管制司機宜文字有堂曰不礙雲山剡源戴表元爲記二子長曰自字君

上虞縣志校續

卷七 人物

美

強婺州學正次特立號小墅俱有文名

黃楠居東門性孝弟刻志問學善誘後進不喜聲利惟優游林壑號東園居士和中字仲容餘姚學正得中字平甫沿海制置司幹辦官俱有文名事邑名士馬申之周伯玉其學尤粹萬歷志作從世稱秋畦梅間二先生人爲之

謠曰姚邑稱何晏虞江說馬周和中子介得中子木潤亦有文名正統志隱逸傳○案和中得中正統志列元今與父合傳

葛季昂字云英少能詩長游名山大川詩益工端平時徵博學宏詞應詔就試賦稱第一授著作郎寶祐丙辰與父

曦同登進士越十餘年曦判紹興元將張宏範統兵驟至督師命曦往討卒於陣季昴扶柩歸虞時元運將昌季昴愀然曰吾不能事二主遂退居湖山瑞象寺與趙必成講易著述以終據葛氏譜纂○案嘉慶志表誤作季昴省府志皆未詳萬厯選舉志亦祇載寶祐四年登文天祥榜四人曦與李昂皆存疑辨見表考

張存義字仲瑞父文輔仕宋龍圖閣直學士存義隨父從軍塞外元世祖愛其魁梧及歸里娶尹氏至元庚辰有司以賢才薦授中書召見降以哈哈國公主存義辭以尹氏

上虞縣志校續

卷七 人物

无

新亡不允遂尙焉泰定初陝甘叛命存義討平之天厯元年爲遼東安撫使明年卒於官尹氏生二子長德玉應賢材聘授泰州同知次德潤蔭陝西甘州衛指揮使公主生

三子皆隨順帝北去

見嘉慶志據備稿引宋濂撰傳增纂○案元史公主表云非勳臣世族及

封國之君莫得尙主存義爲宋遺民或疑其尙主事在張氏譜載駙馬事可據雖潛溪曾修元史其撰傳在漢武己未去修史時已後十年當未及載入公主表耳

姚天祥字應甫任江淮提舉泣職廉勤未幾乞歸優游林壑尙義好施嘗創存義精舍以教鄉族子弟築望烟樓晨起望無烟火處亟振以穀置惠民藥局與病者良藥不受

其直歲大祲出貲贖八縣鹽糧麥稅郡守高其義樹碑府

堂後以示褒美

萬厯志○案舊志均列宋義行傳今據姚氏譜天祥仕元江淮提舉改入元朝

張彥字漢賢美丰姿胸有四乳善飲能詩未嘗屬草恒偃臥林下人以曠達目之家世以貲雄於鄉至彥不治生產聚書充棟當至正間四方騷擾賦役繁興彥曰奈何為田賦累也遽割膏腴畀願受者時方國珍聚眾海島浙江右丞帖木兒南臺御史左答納失利領命招諭彥詣行臺上書曰今天下大亂如人病入腑臟四肢俱敗所喜者脈與病對誠得名醫投以良劑漸可起否則死不旋踵矣二人

上虞縣志校續

卷七 人物

三

得書連稱賽銀賽銀者華人所謂絕妙也卒不見用

嘉慶志

張起巖字夢臣

嘉慶志作秉獻

其先章邱人起巖智慧絕人日讀

書十卷尤究心宋儒理學登延祐乙卯進士先是至元乙

酉三月乙亥太史奏文昌星明明日皇孫降生是夜起巖

亦生後皇孫即位是為仁宗始詔設科廷試第一論者謂

非偶然除同知登州事轉國子博士進翰林待制詔修宋

遼金三史充總裁官積階至榮祿大夫年六十五乞歸卒

諡文穆性孝友撫弟如石教之宦學無不備至凡獲俸賜

必與故人共之

元史本傳兼嘉慶志參備稿○案乾隆通志元選舉無張起巖名府志列延祐二年

張起巖榜則廷試第一誠然本傳云後徙濟南
尚未詳遷虞事今仍舊志編之餘詳選舉附考

顧圭通志作顧圭一作珪字君玉少負奇氣見義勇為至正間鄆寇

方國珍侵上虞行樞密院邁里古思守郡城帥兵拒之圭

聚鄉兵以應時有邵甲暴掠鄉里圭率團兵殄之甲竄入

方氏為向導圭復與戰曹娥江上眾寡不敵遂遇害里人

瘞尸江岸岸為濤齧而冢獨完越七月改葬面如生次日

地盡為江人以為異咸尸祝之子諒一作亮字希武年十五

失父每有推刃報仇之志而未獲遂輒揮涕哽噎楊鐵崖

作虞邱孝子詞以悲其志明洪武初薦為無錫教諭篤學

上虞縣志校續 卷七 人物 三

好古號西邨先生有省己錄行世萬歷志參萬歷府志及徐一夔撰墓誌楊維禎

古樂府○案萬歷志列明朝孝義絕方寇者又有王通字叔通性剛毅家

居不假辭色國珍作亂時議招安通上書行省曰方氏首

禍宜行誅討若復授官是盜賊無往而不官貴也當途者

不能用遂隱迹山中據補稿采王氏世紀錄增

俞文珪字漢章諸生以優行入太學弟文煥為郡胥獲罪

法當荆母韓素愛少子慟幾絕文珪跪請母曰兒暫詣郡

弟不出兒不歸矣母泣而許之直造吏庭請以身代吏以

非故事不許泣曰我以母故弟出而母可生代母非代弟

也竟得請被刑偕弟歸入門已不能語但張目視母而已
嘉慶志

王發字景回事親孝大父汝舟爲武岡軍教授多藏書發能盡讀之間有譌闕必訪求補緝完治他若禮樂刑政至虞初稗官之言可以輔國家裨名教者輒類而錄之總若干卷嘗賦續騷以自命或聘爲師辭以親在不忍離願從者至其家踵相錯所陶鎔多名士築友樵齋於楊梅峰間固窮樂道以終其身萬歷志引危素記

徐有傳字習曾由慈谿縣儒教歷處州路慶元尹以松江

上虞縣志校續

卷七 人物

三

府判致仕歸田於學養士祀鄉賢之末

正統志

子昭文字季

章嘗從韓性讀尙書試藝不售杜門力學後應辟爲吳淞

教諭著有資治通鑑綱目考證行世

萬歷志○案考證自序文萬歷志傳注全

錄

徐繼文字彥章家世儒雅祖夢麟宋咸淳間膺辟薦繼文於至治三年任鄞縣教諭天性粹和志趣倜儻以作成人材爲己任凡秀民髦士必禮下之率欣然慕其高誼相與講習時拔其尤上之郡學歲八月史駒孫程端禮薛觀俱獲薦於江浙省闈咸喜其教之有成

見鄞縣志引陳昭翁貢士姓名記○案昭

文敘綱目考證在至正己亥去繼文任鄞教時遲三十五年魏仲遠敦交集又有徐以文用章則文惟章皆能文士當與彥章季章昆季行又王式字敬之由行省使辟任諸暨州教諭

幼承家訓潛心博學在州教士一以伯學錄深為法伯名深官

國子監雖僻壤丕振文風有聲兩浙間據沈奎補稿采王氏世紀錄增纂

魏壽延字仲遠唐鄭公二十四世孫世居夏蓋湖上繞屋

植萬竹兄仲仁弟仲剛並嗜奇好古仲遠尤工詩一時賢

士大夫過虞者必造所居集倡酬之什為敦交集大抵同

里者十之七其名籍可稽者有淮南潘純錢唐沈惠心陸景龍永嘉李孝光高明天台陳廷言毛翰宋

右諸暨陳士奎刻王璠會稽王冕陳謨唐肅山陰陳敬趙倣餘姚鄭彝張克問徐本誠宋僖與同邑徐士原嚴貞俞

上虞縣志校續 卷七 人物 三

恆徐以文則宋濂為作見山樓記 國朝朱彝尊為按補

集詩嘉慶志兼備稿孔思則字允道其父淋厲孔魯遂為

虞人以孔氏恩例任餘姚州學正擢武平縣尹博極羣書

尤精於易據備稿引孔氏譜纂